

Umhverfis- og samgöngunefnd Alþingis Nefndasvið Alþingis

Austurstræti 8-10

150 Reykjavík

11. mars 2014

EFNI: Umsögn um þingsályktunartillögu um vernd, velferð og veiðar villtra fugla og spendýra.

Tilvísun: Þingskjal 545 - 282. mál á 143. löggjafarþingi 2013-2014.

Þegar skýrsla nefndar um endurskoðun á löggjöf um vernd og veiðar á villtum dýrum koma fram þá fagnaði Bogveiðifélag Íslands því. Þar sem í skýrslu var talað að um það þyrfti að stofna starfshóp sem færi yfir málefni er snúa að bogveiði. Skýrslan er á margann hátt mjög fín en að sama skapi er margt sem mætti laga og er Bogveiðifélag Íslands nokkuð fylgjandi Skotvís í þeim efnum. Kominn er tími á endurskoðun til samræmist við nútímann.

Skotvís hefur borið hita og þunga gagnvart þessum málaflokki í mörg ár aðeins eitt fárra frjálsra félagasamtak með veiðar á stefnu skrá sinni. En með Bogveiðifélagi Ísland er komið annað félag sem lætur sig málefni nýtingu viltra dýrastofna varða.

Virðingafyllt

Indriði Ragnar Grétarsson

Formaður Bogveiðifélag Íslands.

21. febrúar 2014

Umhverfis- og samgöngunefnd Alþingis
Nefndasvið Alþingis
Austurstræti 8-10
150 Reykjavík

EFNI: Umsögn um þingsályktunartillögu um vernd, velferð og veiðar villtra fugla og spendýra.

Tilvísun: Þingskjal 545 – 282. mál á 143. löggjafarþingi 2013-2014.

Stjórn Landverndar hefur kynnt sér þingsályktunartillögu um vernd, velferð og veiðar villtra fugla og spendýra. Á síðasta ári lauk umfangsmikilli vinnu nefndar um lagalega stöðu villtra fugla og spendýra. Stjórn Landverndar telur að þingsályktunartillagan feli í sér eðlilegt og nauðsynlegt framhald af vinnu nefndarinnar og styður samþykkt tillögunnar.

Fyrir hönd stjórnar Landverndar,

Guðmundur Ingi Guðbrandsson,
framkvæmdastjóri.

Nefndasvið Alþingis,
Umhverfis- og samgöngunefnd
Alþingi v/Austurvöll
150 REYKJAVÍK

Alþingi
Erindi nr. P 143/1227
komudagur 10. 3. 2014

Garðabær, 10. mars 2014
2014020027/42-1-3
TB,KHS
jgo/tb

Tillaga til þingsályktunar um skipun starfshóps til að endurbæta löggjöf um vernd, velferð og veiðar villtra fugla og spendýra.

Vísað er til tölvupósts frá umhverfis- og samgöngunefnd Alþingis, dags. 20. febrúar sl., þar sem óskað er eftir umsögn Náttúrufræðistofnunar Íslands um tillögu til þingsályktunar um skipun starfshóps til að endurbæta löggjöf um vernd, velferð og veiðar villtra fugla og spendýra, 282. mál, með hliðsjón af skýrslu sérfræðingahóps um sama efni¹.

Náttúrufræðistofnun tekur undir framkomna tillögu til þingsályktunar. Í greinargerð með tillögunni eru rakin nokkur atriði sem þörf er talin á að breyta í núverandi löggjöf, sem oft er nefnd villidýralögin, svo færa megi hana til nútímans. Til dæmis er bent á að villidýralögin ná ekki til hvala og sela og ná því ekki til allra spendýra og að gera þarf verndarsjónarmiðum jafnhátt undir höfði og veiði- og nytjasjónarmiðum. Einnig er bent á að Ísland hefur einnig gerst aðili að alþjóðlegum samningum sem fela í sér ýmsar skuldbindingar varðandi málefni villtra fugla og spendýra. Þó núgildandi lög séu að mörgu leyti byggð á t.d.

Bernarsamningnum þarf engu að síður að laga helstu ágalla á þeim eins fljótt og auðið er. Rétt er að benda á að þó þörf sé á að breyta ýmsu í framangreindum lögum þá er ekki síður mikilvægt að viðkomandi ráðuneyti og stofnanir skoði einnig tillögur sérfræðingahóps um hvað megi betur fara í framkvæmd laganna og hægt er að leysa innan núgildandi laga.

Virðingarfyllst



Jón Gunnar Ottósson
forstjóri



Trausti Baldursson



Neðanmálsgrein: 1, *Menja von Schmalensee, Kristinn H. Skarphéðinsson, Hildur Vésteinsdóttir, Tómas G. Gunnarsson, Páll Hersteinsson, Auður L. Arnþórsdóttir, Hólmfríður Arnardóttir og Sigmar B. Hauksson (2013). Vernd, velferð og veiðar villtra fugla og spendýra. Lagaleg og stjórnsýsluleg staða og tillögur um úrbætur. Skýrsla unnin fyrir umhverfis- og auðlindaráðherra. 350+xi bls ásamt viðaukum.*



Umhverfis- og samgöngunefnd Alþingis
Nefndasvið Alþingis
Austurstræti 8-10
150 Reykjavík

10. mars 2014

EFNI: Umsögn um þingsályktunartillögu um vernd, velferð og veiðar villtra fugla og spendýra

Tilvísun: Þingskjal 545 - 282. mál á 143. löggjafarþingi 2013-2014.

Lög um vernd, friðun og veiðar á villtum fuglum og villtum spendýrum nr. 64/1994, svokölluð Villidýralög, mörkuðu tímamót fyrir 20 árum og lögðu grunninn að virkri þátttöku skotveiðimanna í stefnumótandi málum og fjármögnun vöktunar og rannsókna á villtum dýrum í gegnum veiðikortagjaldið og Veiðikortasjóð.

Á þessum 20 árum hafa átt sér stað margvíslegar breytingar á lífríkinu, sem hafa bæði jákvæðar og neikvæðar afleiðingar, allt eftir því hvaða augum menn líta þessar breytingar. Aukin þekking og umræða, bæði innlend og alþjóðleg, hefur einnig leitt til betri skilnings á eðli veiða og áhrif nýtingar á afkomu villtra dýrastofna. Í ljósi þessa er rík ástæða til að endurskoða núverandi löggjöf.

SKOTVÍS átti fulltrúa í nefnd sem skipuð var 9. júlí 2010 af þáverandi umhverfisráðherra um endurskoðun Villidýralaganna og er þar af leiðandi vel kunnugt um innihald skýrslu sem nefndin skilaði af sér á vormánuðum 2013. SKOTVÍS er sammála tillögum nefndarinnar í meginatriðum ([sjá fyrirvara SKOTVÍS í viðauka við skýrslu nefndarinnar](#)) og styður þingsályktunartillöguna.

SKOTVÍS vekur athygli á að tillögur nefndarinnar fela í sér breytingu á umhverfi skotveiðimanna og annarra sem nýta villta dýrastofna. Í tillögunum er gert ráð fyrir auknum takmörkunum, undanþáguferlum og skyldum (af ýmsum ástæðum) sem getið er í skýrslunni, auk þess sem ríkari krafa er gerð um vöktun og rannsóknir til að rökstyðja undanþágur til nýtingar. Nauðsynlegt er að undirstrika þetta atriði, því meginreglan er sú að allir villtir fuglar og villt dýr eru friðuð nema það sé sérstaklega leyft og í því samhengi má heldur ekki líta framhjá því að tillögurnar leggja einnig til auknar skyldur á stjórnvöld og stofnanir. Mikilvægt er að líta á tillögurnar sem samhangandi heild og því eru tillögur þessar ekki raunhæfar nema gerð sé gangskör í málefnum vöktunar, rannsókna og uppbyggingu faglegar veiðistjórnunar með tilheyrandi, skipulagi, ferlum og samráði. Þetta atriði er gríðarlega mikilvægt, þannig að þeir sem beri skilgreinda ábyrgð á stefnumótun, innleiðingu og framkvæmd þessara tillagna freistist ekki til að innleiða fyrirkomulag sem brýtur niður þessa heildarmynd.

Við vinnslu nýrra laga þarf að gera ráð fyrir annarri aðferð við veiðistjórnun en tíðkast hefur fram til þessa. SKOTVÍS hefur á undanförunum árum bent á [ýmislegt hvað það varðar](#), en kjarninn í málflutningi félagsins er að ný löggjöf styðji betur við

faglega veiðistjórnun með því að byggja í meira mæli á ráðgjöf veiðimanna og annarra sem búa yfir þekkingu á veiðum og framkvæmd þeirra.

Starf SKOTVÍS hefur stuðlað að betri vitund skotveiðimanna um þá þætti sem áhrif hafa á viðgang villtra dýrastofna og talað fyrir mikilvægi þess að nýta þekkingu skotveiðimanna við stjórnun villtra dýrastofna. Stefna félagsins miðar að því að eiga faglegt samstarf við stjórnvöld, stofnanir, fræðimenn og hagsmunaaðila sem hafa hagsmuni af því að hægt verði að nýta villtra dýrastofna til framtíðar og stóð m.a. fyrir [ráðstefnu 2013 í samstafi við UST um rannsóknir og veiðistjórnun](#), þar sem kom skýrt fram að lykillinn að velgengni á þessu sviði felst í trausti og samstarfi.

Gerð nýrra Villidýralaga er tímabært verkefni sem SKOTVÍS er tilbúið til að taka virkan þátt með það að markmiði að efla faglega veiðistjórnun á Íslandi í takt við það sem þekkist í öðrum löndum og þykir vel heppnað að fenginni reynslu.

Virðingafyllst,
f.h. stjórnar SKOTVÍS
Elvar Árni Lund - formaður